


isiZulu

Izinga

4B

# Babelana ngokudla kwamaVenda



Mpho Witness Makwarela



### **Imisindo ebuyekezwayo**

hl, kh, mb, nd, ng, ny, ph, bh, dl, nk, nz, sh, ns, nt, th, dw, kw, nc, ndl, tsh

### **Igama elibuyekezwayo abalibona njalo**

kumnandi

### **Amagama amasha abawabona njalo:**

badlala, lokudlala

### **Igama alibona kanengi**

ubhontshisi

nezinhlwabusi

zithoswa / athoswa

### **Babelana ngokudla kwamaVenda**

isiZulu

**Izinga 1A 4)**

ISBN: 978-1-77981-168-4

© 2023 Ulwazi Lwethu African Languages Literacy Project

Umbhali: Mpho Witness Makwarela

Umhumushi: Zandile Malaza

Umdwebi: Vusi Malindi

Design and Layout: Rock Bottom Graphic & Design

Uhlelo lokuqala lokushicilela luka-2023

# Babelana ngokudla kwamaVenda




**Mpho Witness Makwarela**

Leli yikilasi labafundi bamaVenda.  
Namuhla balethe ukudla kwesiVenda  
okwahlukahlukene.

Abanye abafundi balethe ukudla  
abakuthandayo ukuze babelane ngakho.

Uthisha ubanika ithuba lokuletha ukudla  
etafuleni lakhe, ngokulandelana.

Ube esebiza amaqembu abafundi ukuza  
bazonambitha.



Okokuqala uLufuno wabelana nge-delele kuthi u-Itani abelane nge-*tshidzimba*.

Bonke abafundi bayanambitha. Kokubili lokhu kudla kumnandi!


ULindelani ukuqeda konke okusele ezitsheni.

Maye! Lo mfana udla kakhulu!

#### IBHOKISI LAMAQINISO

I-*delele* amacembe ejuta aphekwe ngamacembe ama-apula e-bhalisamu, utamatisi, umlotha wezinkuni nosawoti. Idliwa nephalishi.

I-*tshidzimba* yisitambu esiphekwa ngamantongomane, ummbila, ubhontshisi, uphizi nosawoti.



UGundo yena wabelana nge-*thopi* kuthi  
uTakalani abelane nabanye nge-*bovhola*.

Bonke banambitha kancane. Abanye  
bakhotha izindebe.

“Mmm. Kunambitheka kamnandi,” kusho  
abafundi.


ULindelani ukuqeda konke ukudla okusele!

#### IBHOKISI LAMAQINISO

I-*thopi* yenziwa ngempuphu, ithanga noshukela.

I-*bovhola* yenziwa ngethanga elingavuthiwe, amacembe  
nezimbali zethanga kanye namantongomane agayiwe.





UTendani no-Aluwani bavula izitsha zabo.

Awu! Izimbungulu nezinhlwabusi!

“Ngeke! Angisoze ngakudla lokhu!” kusho abanye abafundi.

Abanye bayanambitha.

“Akukubi kakhulu,” basho ngokuzithoba.

Yebo, uLindelani ukuqeda konke!

#### IBHOKISI LAMAQINISO

Izimbungulu nezinhlwabusi ezindizayo zithoswa ngamafutha namanzi.



UDakalo noFuni bavula izitsha zabo...

Okunye ukudla okuthusayo! Balethe amacimbi nezintethe ezithosiwe!

“Awu! Ngeke! Angisoze ngazidla lezi zinto ezithusayo!” kubabaza iningi labafundi.

Abafundi abanesibindi bayanambitha.

ULindelani akazange ashiye nesisodwa isibungu noma intethe!

#### **IBHOKISI LAMAQINISO**

Amacimbi athoswa no-anyanisi, utamatisi nosawoti.

Izintethe zithoswa ngamafutha ashisayo.



Ikilasi likujabulele ukunambitha ukudla kwesiVenda.

Bonke basuthi ngokudla okangaka. Bonke ngaphandle kukaLindelani.

Uphakamisa isandla sakhe.

“Akusona isikhathi sekhefu, Nkosazana? Ngilambile!” kusho uLindelani.

Bonke bayahleka, insimbi yekhefu iyakhala.





# Ulwazi Lwethu

## Readers

### Izinga 1-2

- Isomiso
- UNunu noBobo
- Amawele asizayo
- Lingandiza?
- Vala, vula, veza!
- Imbongo kaGumbi
- Inyoka esibayeni!
- UMbali ukhumbule ubaba
- UMbimbi nescibucabu
- UNdumi ufuna ukupenda
- UBongi umatasatasa!
- Basepulazini
- Bukela kimina, Phephe
- UShaka umangele!
- UMenzi nokuhlazeka!
- Umlilo!
- Bahlala bebobabili!
- Umshado wezinkawu
- UShonaphi ulimele
- Asongeni amanzi
- UFumani nembuzi
- Isobho lemifino
- Isihluthu
- Abangani kunoma yisiphi isimo sezulu!
- Ubuchule bukaSidlodlo

### Izinga 3

- Ijazi eliguqukile
- Angiyithandi imifino!
- UNtando ojabulile!
- Uthingo lwenkosazane lukaThando
- Ingubo kaShila
- Uthando lwamawele
- Izicathulo zikaThobile ezintsha
- Basiza umkhulu ukuze alulame
- UNTombi ubamba isigebengu!
- Isifo sezingulube
- Umlini uNceku nezinkawu
- Ukufunda ngamaxoxo
- Isifiso sikaNhlawulo siyafezeka
- Amanzi! Amanzi!
- Isihlahla eselaphayo
- UMoli neziqhumane
- Amaqanda kaDwiki alahlekile
- Isimangaliso sembewu
- UMabonwa uyasazi isikhathi
- Soweto
- Icebo elihle likaMandla
- Izipho
- Isibhelane sikaKulani
- UFani noSiba
- Umdlali ovelele
- Ibhola elilahlekile
- Indandatho yegolide
- UMondli uphethwe yisisu
- Ukunambitha ukudla kwesiVenda
- Isiko lwamaVenda
- Sivakashela esiqjwini
- UNomazwi uzigcina ephilile!

### Izinga 4-5

- Izingosi
- Ujaheni Wenzile?
- Ingwenya enonya
- Izinhlobo zezithuthi
- Ukuziphindisela kwezinkunzi
- UThuthuva uqala kabusha
- Intombazana ehlakaniphile
- Izimpahla zinkulu kimi!
- Abafana abahlakaniphile
- Umdobi wezinhlanzi
- Ubusuku obungalaleki
- Isifo somkhuhlane
- UNomadlakadlaka onesibindi!
- Inkinga engadini kagogo
- Isicathulo esihle
- Iphupho likaSiviwe



Ulwazi Lwethu yiphrojekthi yeZenex Foundation exhaswe ngezimali futhi esungulwe ukuthuthukisa uchungechunge lwezincwadi zokufunda zolimi lwase-Afrika, ezisemazingeni kanye nezokungcebeleka, nezinsiza zokusekela othisha. Le phrojekthi iqondiswe ekufundiseni nasekusekeleni abafundi abaseSigabeni Sabokhewane ukuze bathuthukise ukufunda nokuqonda kwabo ulimi lwasekhaya. Izincwadi zokufunda zisungulwe ngezilimi eziyisishiyagalolunye zase-Afrika ngokubambisana neMolteno Institute for Language and Literacies, Nelson Mandela Institute for Education and Rural Development, Room to Read South Africa, kanye neSaide. Zonke izinsiza zenziwa njenge “Open Education Resources” (OER).

Please visit our website to download the full copy of this reader:  
[ulwazilwethu.org.za](http://ulwazilwethu.org.za)



Creative Commons Attribution-NonCommercial-NoDerivatives (CC BY-NC-ND) 4.0 International Licence

Disclaimer: You are free to download and share this work as long as you attribute Zenex Foundation, but you may not change this work in any way or use it commercially.

